

欽定大清會典事例

欽定大清會典事例卷九百七十三

理藩院

封爵

頒給
布囊

管理
旗務

譜系
台吉塔

承襲
台吉塔
布囊

頒給

誥敕○順治十年給額魯特顧實汗金

冊印○康熙十三年給喀爾喀札薩克阿海岱沁台吉
敕印○三十年題准承襲蒙古王貝勒貝子公等

誥敕皆令親身赴領若承襲之人未經出痘者由院
遣官齎送○三十一年覆准喀爾喀旗分應鑄
給印信以昭職守其印文清字兼蒙古字印式

與四十九旗同。三十二年。以達賴汗自伊祖
顧實汗以來敬謹納貢。給予

敕書。三十五年。覆准喀爾喀郡王有軍功者。升為親
王。貝子有軍功者。升為郡王。該部撰給

敕命。四十一年。覆准蒙古王等襲封

誥敕。實因水火盜賊失毀者。另行給予。寬免罰俸議
處。乾隆十二年。議准喀爾喀四盟長。均給予
印信。與內札薩克六盟長同。二十年。奏准給
杜爾伯特汗等印信。管理札薩克事務。四十
年

諭喀爾喀及內札薩克王貝勒等之妻及格格等應得
誥敕向來由該院遣官齎送雖係舊例但現今青海
杜爾伯特烏梁海土爾扈特等台吉之妻應得誥敕
皆係咨送各該將軍大臣等轉行頒給今喀爾喀及
內札薩克等之妻及格格等應得誥敕若仍由京遣
官齎往既非畫一之道而該札薩克等又須備用廩
給往來迎送亦非體恤伊等之意再伊等誥敕皆係
彙題後始行頒給已不無稍遲又須特派官員前往
尤覺耽延嗣後喀爾喀及內札薩克王貝勒等之妻
及格格等不必遣官封贈著照青海等處例一體咨

送各盟長轉行頒給。此次東路西路應行分封人等。即照此辦理。○四十九年

諭內札薩克蒙古王公等。誥敕年久字蹟不清。該院奏請更換頒給。但此誥敕俱係

太祖

太宗

世祖時隨同創業。懋著功績。旌獎伊等勳伐。賜予者也。今若因年久更換。將伊等原得誥敕撤回存部。則從前

太祖

太宗

世祖撫綏伊等。旌獎勲勞。賞給傳代之寶。伊等轉不獲世守。著該院照原給誥敕。復辦一分。給予外。將舊有誥敕。仍交伊等敬謹尊藏。作為萬年子孫傳世之寶。以昭我

太祖

太宗

世祖撫綏旌獎之至意。將此通諭各蒙古王公等知之。
○嘉慶二十二年定。伊犁羅布藏札勒燦屬下之徒衆。作為鑲白旗。正紅旗。鑲紅旗。正藍旗。給

予四佐領圖記。又定西藏噶布倫戴琿缺出奉

旨補授者。將舊領

敕書送院查銷。另行辦給。○道光十九年定。各旗台吉等有

賞給達爾汗世襲罔替者。出缺時由該札薩克擬定應襲人員開報。並將

敕書呈送到院。承襲後移送吏部填寫領回發給。○

又定各札薩克王貝勒貝子公及達爾汗等襲爵

詰封承襲後咨送吏部轉送內閣填寫用

寶領出咨院劄行各該旗派員赴領仍將領到日期報院○二十五年奏准蒙古王公襲職均於奉旨後將

冊命

詰命咨行吏部填妥送院由院行令該旗於年班領俸時專員持文請領如正直年班飭領俸人員具狀請領○又奏定內外札薩克承襲達爾汗名號請領

敕書者先將舊卷送院以憑照辦如舊卷原係

誥軸一體換給

敕書以昭畫一。

譜系○內札薩克四十九旗內四十五旗為元裔。姓博爾濟吉特。科爾沁。札賚特。杜爾伯特。郭爾羅斯。阿魯科爾沁。四子部落。茂明。安烏喇。特八部十六旗。系出元太祖弟哈巴圖哈薩爾。土默特部右翼一旗。系出元太祖十六世孫阿爾坦。敕漢。奈曼。烏珠穆沁。浩齊特。蘇尼特。五部八旗。系出元太祖十六世孫圖魯博羅特。巴林。札魯特。二部四旗。系出元太祖十六世孫阿爾楚。

博羅特。翁牛特部二旗。系出元太祖弟諤楚因。
克什克騰部一旗。系出元太祖十六世孫諤齊。
爾博羅特。喀爾喀左翼右翼二旗。系出元太祖。
十六世孫格。呼森札札賚爾。琿台吉。阿巴噶。阿。
巴哈納爾。二部四旗。系出元太祖弟布格博勒。
格圖。鄂爾多斯七旗。系出元太祖十六世孫巴。
爾蘇博羅特。喀喇沁三旗及土默特部左翼一。
旗。為元臣濟拉瑪之後。姓烏梁罕。其土默特左。
翼間散多羅貝勒。始封曰巴勒布冰圖。為元太。
祖裔。歸化城閒散輔國公。始封曰喇嘛札布。為。

元太祖十六世孫阿爾坦裔。外札薩克各部。喀爾喀四部。與內蒙古喀爾喀部。俱為格呼森札札賚爾琿台吉之後。和碩特。系出元太祖弟哈布圖哈薩爾。十七世孫博貝密爾咱。始稱額魯特汗。其孫曰顧實汗。青海各部落及西套額魯特。皆其後裔。珠勒都斯之和碩特。係顧實汗之兄昆都倫烏巴什裔。科布多之和碩特。世系未詳。杜爾伯特姓綽羅斯。與準噶爾同姓。為元臣孛罕裔。孛罕六世孫額森。其子曰博羅納哈勒。後為杜爾伯特。曰額斯墨特達爾汗。諾顏。後為

準噶爾。額斯墨特達爾汗諾顏七世孫。號巴圖爾。琿台吉。青海綽羅斯部二旗。及附牧三音諾顏部之額魯特二旗。皆其後裔。輝特部。姓伊克明安。附牧杜爾伯特之輝特。為元臣札巴甘墨爾根之裔。青海之輝特。系出納木占。附牧札薩克圖汗之輝特。系出羅布藏。其前此世系皆未詳。凡內外札薩克各部落閒散貝勒貝子公台吉。皆係各本旗札薩克之族。惟附牧察哈爾之和碩特閒散輔國公二人。札薩克銜台吉一人。為額實汗之裔。附牧呼倫貝爾之額魯特閒散。

輔國公始封曰巴桑。姓伊克明安。與輝特同姓。而非其族。又札薩克銜台吉一人。始封曰阿卜達什。為巴桑同族。附牧科布多之札哈沁間。散公一人。及唐古特封爵。其世系均未詳。○乾隆二年奉

旨。蒙古王札薩克等家譜履歷。朕皆未甚明晰。爾院將當日襲封根源。酌量各旗部落。繕修家譜奏聞。欽此。

遵

旨議奏。蒙古王札薩克等原係

太祖

太宗時輸誠向化率屬歸附各論其所著勞績封為王
貝勒貝子公一等台吉編設旗分佐領其科爾
沁等十旗王公台吉在

聖祖時因皆係

太皇太后

皇太后姻戚曾將世次具奏有案今重加考訂造冊奏
聞外其餘五會札薩克等應俟造冊送院再行辦理並
行令外藩之喀爾喀青海額魯特等一併覈明
錫封根源襲爵世次造冊送院奉

旨蒙古王等家譜嗣後五年繕錄進呈換出舊冊○十

年

諭蒙古王等家譜原定五年一修。今將留內收貯者撤出。應改修者改入。嗣後著十年具奏一修。

承襲台吉塔布囊

台吉。塔布囊。爵同土默特左翼旗。及喀喇沁三旗。曰塔布

囊其餘各部落皆曰台吉。

○順治十八年題准。台吉頂戴坐

褥。照在內官階定制。一等者同一品官。二等者

同二品官。三等者同三品官。四等者同四品官。

身故後准其子孫暨親兄弟世襲罔替。○康熙

元年題准。公主之子。親王之子弟。授為一品郡

主之子。郡王貝勒之子弟。授為二品縣主郡君

縣君之子。貝子公之子。弟授為三品。台吉等子弟。概為四品。均俟年至十八歲。給予品級。又題准。一二三品台吉。許以一子襲替外。餘子概為四品。有功者酌量別議。又題准。公主等之子。十歲以上。父歿後承繼家業者。不拘年歲。即給予品級。不在十八歲之限。又定。凡王貝勒貝子公。札薩克。台吉等襲爵時。本人有子。而該札薩克王。台吉等捏稱無子。希圖承襲與他人具保呈報者。事發。將札薩克王。台吉及協理旗務之台吉等。皆革去管理旗務之任。罰俸一年。

其無俸之協理旗務台吉等。罰牲畜五九。○乾

隆十七年

諭定例。內蒙古親王之子弟。年已及歲者。授為一等台吉。郡王貝勒之子弟。授為二等台吉。貝子公之子弟。授為三等台吉。其襲爵之子。並無區別。今特加恩。將襲爵之子。與餘子。示以區別。親王之長子。著賞給公品級。郡王貝勒之長子。授為一等台吉。貝子公之長子。授為二等台吉。將來各承襲父爵。餘子俟年已及歲。仍授應得品級。如長子不稱襲爵。欲於餘子內擇其優者。以備將來襲爵。著即報理藩院。將朕加恩增

賞之爵移授永著為例。○又議准札薩克台吉之子亦照例保送到院註冊奏。

聞。○十八年覆准。凡欲將台吉品級承嗣於餘子者。須豫行呈明札薩克轉報盟長達院註冊。將來照依辦理。若不豫行報院。臨時指稱遺言者。概不准。○二十七年議准。一、二、三、四等台吉悉照王貝勒貝子公之例。豫保一子送院。由院年終彙奏。以備將來承襲。如違察議。○二十八年

諭蒙古王公札薩克台吉之子弟。及歲後有報部給予品級之例。杜爾伯特王公札薩克之子弟。因不知此

例是以未經報部。今貝子根敦之子扣肯。年已及歲。著照例給予品級。賞戴花翎。車凌烏巴什等之子弟。有及歲者。俱著報部給予品級。嗣後伊等子弟及歲後。俱著照例報部。○四十年

諭。嗣後蒙古王公等。保送伊子一名。報部作為應襲者。著加恩不必計其年歲。即給予應得職銜。○又奏准。額駙庶出之子。及歲時俱按其父本爵。給予應授職銜。○四十一年議定。台吉塔布囊已當喇嘛者。除未出家以前所生之子。准其承襲職銜。如無親生之子。其兄弟胞姪。概不准承襲。並將

伊屬下隨丁人等撥入該旗當差。○四十二年諭。蒙古台吉塔布囊內。經朕賞戴藍翎暨單眼花翎者。

伊等承襲王貝勒貝子公時。候朕按其品級大小。加賞雙眼三眼花翎。如所襲之職止。應戴藍翎暨單眼花翎。著仍舊戴用。毋庸加賞。○四十四年議定。凡

特賞之一二三等台吉出缺時。應查其有無勞績。如著有勞績者。准其子孫承襲原賞品級。其並無勞績者。仍照例襲本分應得品級。著為令。○又奏准。固倫公主和碩公主郡主縣主所生之子。仍照舊例給予職銜外。其側室所生之子。酌看

伊父爵秩品級分別給予。至郡君縣君所生之子。仍給予三等台吉。其鄉君以下所生之子。均給予四等台吉。○四十五年

諭。蒙古額駙等側室之子。於上年定例前。已經照公主格格所生之子。給予職銜者。加恩不必改正。嗣後務遵新定之例辦理。儻有偽報冒受職銜者。一經查出。將該台吉斥革外。並將該盟長及札薩克等一併重處。將此傳諭衆蒙古知之。○四十六年

諭。內札薩克之王公台吉等原係

太祖

太宗時。率屬輸誠歸順。懋著功勳。其王公札薩克等冊誥中。已俱註有世襲罔替字樣。至小台吉等。雖於歸順時。亦各按其功績賞給一二等台吉。但向無世襲罔替明文。是以此等台吉出缺承襲時。該院必照例奏請減等。伊等功績。皆朕夙所深知。故屢經加恩。各令照原品承襲。惟是經年既久。伊等功績稍湮。或竟照例減等。致伊等不能仰荷國恩。殊非朕一體懷柔之至意。嗣後於承襲時。其在順治以前有功之台吉等。著將其世襲罔替之處。彙奏承襲。其自康熙以後。因尋常效力實升品級者。不在此例。該院仍照前辦。

理將此通行曉諭內札薩克六盟知之。○四十九年
諭自康熙年間以來軍前奮勇著有功績賞給頭二三
等台吉者出缺時加恩俱予以世襲罔替由該院彙
奏承襲其從前已經降等承襲者亦著盡行詳查俱
與改正一體照原賞品級承襲至非因軍功或以微
勞施恩賞升品級者著該院查明原案於承襲時聲
明請旨著為令並通諭內外札薩克知之以示朕撫
綏旌獎之至意○又

諭嗣後內札薩克及喀爾喀蒙古等應襲之人業經及
歲及已經出痘者俱著來京引見未經出痘者著在

熱河引見。其年幼不能前來者。照例進本承襲。仍俟及歲時。已出痘者。來京補行引見。未出痘者。在熱河補行引見。著為令。○又

諭。嗣後青海杜爾伯特回子等。住居遙遠人等。襲職除願來者聽之。其不能來者。毋庸特來引見。仍令進本承襲。○五十三年奏准。

國初投誠建立軍功。給予一二三等台吉塔布囊。均屬世襲罔替。出缺時。雖無子孫兄弟。於族中擇其近派一人襲職承祀。俾蒙古等功勳不致泯滅。至王公諸子分例所得台吉塔布囊出缺。

時如無子孫兄弟。即於族中過繼。除伊親祖之子孫。仍令承襲罔替。若非親祖之子孫。止令承祀。不准承襲職銜。○五十七年

諭。巴林郡王巴圖之子札勒沁札布。已經施恩賞戴花翎。所有伊應得之銜。著該院照例給予。嗣後蒙古王公之子。遇有年未及歲。經朕在圍場賞戴花翎者。即將應得之銜照此辦給。其未經賞翎者。仍俟及歲時再給職銜。著為令。○嘉慶二十一年

諭。嗣後凡蒙古王公等。以族人之子為嗣。作為應封之子者。仍遵舊例報部註冊。俟出缺時照例承襲。如有

未經報部者概不准其承襲。二十二年定台吉因行竊革退者永不准其開復。其子嗣無論事前事後所生均俟年及十八歲時仍給予台吉職銜。道光十九年定各旗及歲台吉於比丁年分報院每三年一次彙題請襲。又定呈報承襲台吉塔布囊人員各開具等級源流按其房分支派名數全行繪譜報院分別准駁承襲不得含混呈報。又定圖什業圖汗車臣汗三部落旗內青吉斯汗子孫為族中台吉青吉斯汗之弟布戈柏勒格特依等子孫為所屬台吉缺

出族中台吉。照例辦理。所屬台吉。俟年至十八歲後。遇比丁之年。報院一體題請授職。該旗作為另檔。二十年定。汗王貝勒貝子公台吉之子。未經豫保。其襲職時。藉稱遺言及闔旗公保。指請某人承襲者。概不准行。又定。各旗王公分承襲台吉。及軍功投誠世襲台吉。出缺報院分為四季查辦。合例者。彙題請襲。二十三年定。承襲世襲台吉。缺出。不得入於及歲台吉文內夾雜請襲。又定。台吉等有創始投誠及軍功

賞給達爾汗世襲罔替者。出缺時。由該札薩克擬定。應襲人員開報。由院查覈具題。○又定。王貝勒貝子公台吉塔布囊出缺後。准其一子按原品承襲。其餘諸子。均授為四等台吉塔布囊。○同治四年。議准。王公台吉等。如遇出缺人員無子。將其親兄弟造譜報院。請

旨承襲。如無親兄弟。將立官名下支分全數報院。恭候

欽簡。

管理旗務台吉塔布囊。○康熙元年題准。台吉

塔布囊授為札薩克者無論原授等第均作為一等台吉塔布囊。二十一年題准蒙古諸部落各於旗內設協理旗務台吉二人至四人不等協同札薩克辦事遇員缺該札薩克會同該盟長於散秩王以下台吉以上遴選賢能擬定正陪引

見補授。乾隆二十九年

諭嗣後蒙古等派出擬陪人員內有願來引見者仍著遣來其不願來者止以名進呈若願來而該盟長不遣伊來及應擬正而抑派擬陪者准令本人控告。

四十一年議准補放協理旗務之台吉塔布囊如擬陪人員奉

旨記名者俟本旗續有協理旗務缺出該盟長等聲明具保報院坐補仍於年終由院彙奏如記名人員及現任協理台吉塔布囊內有年老殘疾別有事故不能勝任者由該札薩克分別申報該盟長由該盟長報院覈辦黜革如隱匿不報將該盟長札薩克分別議處○四十三年

諭嗣後補放協理旗務台吉時如有將擬陪記名者該旗按其缺出前後次序報院坐補該院於年終彙題

○四十六年奏准協同札薩克辦事之三四等台吉塔布囊俱加二品頂戴。○六十年奏准土爾扈特和碩特三四品閒散台吉補授協理旗務台吉者俱加二品頂戴。○道光十九年定補放各旗協理台吉保送正陪人員由院帶領引見不准將擬陪之員指請記名。

欽定大清會典事例卷九百七十四

理藩院

喇嘛封號

駐京喇嘛
游牧喇嘛

西藏及蒙古各部落

駐京喇嘛○設掌印札薩克大喇嘛一人副札
薩克大喇嘛一人札薩克喇嘛四人達喇嘛十
七人副達喇嘛四人蘇拉喇嘛十九人教習蘇
拉喇嘛六人額外教習蘇拉喇嘛四人德木齊
三十一人格斯貴五十人其徒衆曰格隆曰班
第內務府三旗設達喇嘛三人副達喇嘛一人
蘇拉喇嘛三人

東陵隆福寺設達喇嘛一人。德木齊格斯貴各一人。教習三人。班第二十人。

西陵永福寺設達喇嘛一人。德木齊格斯貴各一人。教習三人。班第二十人。又由駐京喇嘛派往伊犁之掌教堪布一人。派往四川懋功之廣法寺堪布一人。其熱河堪布達喇嘛二人。達喇嘛四人。副達喇嘛十一人。閒散喇嘛八人。

盛京達喇嘛八人。錫崙圖庫倫札薩克達喇嘛一人。札薩克達喇嘛四人。西安廣仁寺達喇嘛一人。五臺山札薩克喇嘛一人。達喇嘛一人。歸化

城札薩克達喇嘛一人。副札薩克達喇嘛一人。
札薩克喇嘛六人。多倫諾爾札薩克達喇嘛一
人。達喇嘛二人。副達喇嘛二人。額缺升轉。皆照
駐京喇嘛之例。駐京呼圖克圖。曾加國師。禪師
封號者。左翼頭班章嘉呼圖克圖。二班敏珠爾
呼圖克圖。右翼頭班噶勒丹錫呼圖克圖。
二班濟隆呼圖克圖。皆列於

雍和宮總堪布

避暑山莊普寧寺總堪布之上。其餘有洞科爾呼
圖克圖。果蟒呼圖克圖。那木喀呼圖克圖。鄂薩

爾呼圖克圖。阿嘉呼圖克圖。喇果呼圖克圖。貢
唐呼圖克圖。土觀呼圖克圖。多倫諾爾有錫庫
爾錫呼圖諾顏。綽爾濟。皆出呼畢勒罕。入於院
冊。○順治八年。創建後黃寺。剃度喇嘛百有八
人。均以內府三旗內管領下及五旗王公府屬
管領下人披剃。內府三旗二十四人。五旗各府屬八十四人。五如上三
旗有缺。移咨禮部行文內務府。於本旗內管領
下選一人頂補。下五旗有缺。移咨禮部行文各
該王公。於府屬管領下送一人頂補。○十四年
題准。後黃寺每年誦經喇嘛。格隆班第。定為四

百人。○康熙十一年題准。在內王等取充後黃寺班第百有八人。額缺將墨爾根綽爾濟額外冊內有名之班第頂補。若無頂補之人。仍行禮部於各原主名下取人充補。逃走自歸者。革退班第。交還原主。○乾隆元年議准。在京各寺廟原有度牒之喇嘛格隆班第共九百五十九名。後增福佑等寺食錢糧之格隆班第共三百十四名。皆未得度牒。應按名補給。再札薩克大喇嘛以下。德木齊格斯貴以上。皆有隨分食糧之徒弟。若無度牒。難以稽察約束。除章嘉呼圖克

圖等自藏帶來之徒衆不給度牒外。其隨分食糧之徒衆一併給予度牒。至並未食糧又無度牒之六百七十五人。係額外所收之徒。不給度牒。但伊等既習經典。即於各寺廟每食糧徒衆十名酌留一名。作為額外僧徒。給予度牒。其餘暫行註冊。遇食糧者有缺。即將額外之人充補。額外之人缺。即於註冊人內選補。仍令該管大喇嘛每年二季。將並無額外多收及私為班第之處。具結報院察覈。○三十五年奏定。

避暑山莊新造成布達拉寺。於寺內居住喇嘛共

擬定三百額數。設立博第穆爾溫都遜二喇藏。
令札薩克喇嘛堪布桑齋鄂特布爾為總教。於
博第穆爾喇藏內學習喇嘛。作為一百一十名。
令副達喇嘛格布什沙布隆阿汪吹喇克督教。
副達喇嘛烏穆布特阿旺林沁幫教。於溫都遜
喇藏內學習喇嘛。作為一百一十名。令副達喇
嘛格布什羅布藏格勒克督教。副達喇嘛烏穆
布特阿旺噶爾丹幫教。其餘八十名喇嘛。委任
看殿供獻等事。又出派德木齊四名格斯貴二
名管事。仍就近交普寧寺舊居之堪布達喇嘛。

兼理其所管轄。另派一副達喇嘛。此寺內居住之三百喇嘛內。揀選五十名喇嘛。食銀二兩。其一百名喇嘛。食銀一兩五錢。又一百五十名喇嘛。食銀一兩。○三十六年奏。

避暑山莊新建布達拉寺。請派出專轄副達喇嘛奉

旨將

雍和宮之擦尼特喇藏教習。閒散喇嘛阿旺朋楚克。噶布楚補放。○又奏准。熱河普善寺增設德木齊一名。普仁寺增設格斯貴一名。仍食源餉。不准出缺。

令其彈壓衆喇嘛。○三十九年奏定。熱河建立
殊象寺。設喇嘛五十名。支領二兩銀米喇嘛二
十名。一兩五錢銀米喇嘛三十名。由妙應寺清
字經喇嘛內。選補達喇嘛。副達喇嘛各一名。德
木齊格。斯貴各二名。教習喇嘛五名。令專管教。
○四十年奉

旨。嗣後無論內札薩克喀爾喀額魯特土爾扈特台吉
內有情願當喇嘛者。即著照所請。准當喇嘛。○四十
八年奉

旨。嗣後殊象寺喇嘛缺出。於熱河滿兵子嗣內。將願為

喇嘛者即行挑取。學習滿洲經卷。若不願為喇嘛者。亦毋庸勒令挑取。將此著為例。永遠遵照辦理。○五
十一年奏定。

東陵隆福寺。

西陵永福寺。各額設滿洲喇嘛二十名。派滿洲達喇嘛
一名。揀選德木齊。格斯貴各一名。教習喇嘛三
名。教訓管轄。遇有缺出。由在京包衣佐領下人
內挑取。凡

陵寢居住之包衣人等。嗣後如果生齒繁衆。有可挑取
之人。准再頂缺挑取。○嘉慶二十二年定。京城

額設札薩克喇嘛四缺

雍和宮一缺。作為唐古特專缺。以呼圖克圖堪布充補。其三缺。蒙古達喇嘛充補一缺。漢人達喇嘛充補一缺。餘一缺。先將未受職之呼圖克圖充補。如無呼圖克圖。於唐古特蒙古漢人達喇嘛內揀選充補。○又定。由藏調來之堪布等。俱以達喇嘛補用。遇有達喇嘛缺出。應於達賴喇嘛廟慈度寺察罕喇嘛廟達喇嘛內。籤掣一人調補。所遺之缺。先將堪布坐補。如堪布無人。再於副達喇嘛內揀選升用。○道光十九年定。呼圖克

圖等。除封國師禪師名號。在其兼授外。概不得以呼圖克圖兼諾們汗班第達堪布緯爾濟等職銜。亦不得以國師兼禪師名號。○又定喇嘛印務處專設宏仁寺。責成印務德木齊四人直宿看守。設掌印呼圖克圖兼行章京。按期會同辦事。印鑰交正掌印札薩克達喇嘛佩帶。○二十三年定喇嘛印務處。除掌印正副札薩克達喇嘛外。如駐京呼圖克圖中。有駐京年分較久。當差勤慎。經卷熟習者。准印務處報院具奏。作為學習行走呼圖克圖。其無職銜名號之喇嘛。

概不准呈請在印務處學習行走。○又定章嘉
呼圖克圖。噶勒丹錫呼圖克圖。敏珠勒呼圖
克圖。那木喀呼圖克圖。阿嘉呼圖克圖。歷經駐
京掌辦印務。准各設商卓特巴札薩克喇嘛一
名。以資管轄。○二十五年定。台吉當喇嘛。照例
報院請領度牒。如未領度牒。私自出家者。勒令
還俗。失察之盟長札薩克。罰俸。○又定。五臺山
羅喉寺。設虛銜達喇嘛一名。玉花池壽甯寺。金
剛窟湧泉寺。七佛寺。三泉寺。善財洞。普安寺。八
廟。各設虛銜達喇嘛一名。缺出。由五臺山菩薩

頂札薩克喇嘛處揀選充補報院給予劄付。○
光緒四年議准多倫諾爾會宗寺設立印房並
添設印務得木奇一員與原設印務得木奇一
員在印房輪流住班。

西藏及蒙古各部落游牧喇嘛。○前藏曰達賴
喇嘛。後藏曰班禪額爾德尼。其外有第穆呼圖
克圖。噶喇木巴呼圖克圖。色木巴呼圖克圖。布
魯克巴呼圖克圖。嘉拉薩賴呼圖克圖。鄂朗濟
永呼圖克圖。朋多江達龍廟之呼圖克圖。摩珠
鞏之誌鞏呼圖克圖。貢噶爾之嘉克桑呼圖克

圖。奈囊保呼圖克圖。朗呼仔之薩木黨多爾濟
奈覺爾女呼圖克圖。覺爾隆阿里呼圖克圖。楚
爾普嘉爾察普呼圖克圖。多爾吉雅靈沁呼圖
克圖。倫色之覺爾澤呼圖克圖。協布隆呼圖克
圖。摩珠筆之誌鞏小呼圖克圖。達拉岡布呼圖
克圖。凡十八人。及沙布隆十二人。皆出呼畢勒
罕。入於院冊。四川之木里。及將入藏境之乍雅
察木多類烏齊番寺喇嘛。其出呼畢勒罕入院
冊者。木里一人。乍雅察木多類烏齊四人。歸化
城土默特察哈爾。錫呼圖庫倫內札薩克四十

九旗喀爾喀阿拉善額魯特各游牧皆有喇嘛
居之其出呼畢勒罕入院冊者歸化城十二人
察哈爾九人錫呼圖庫倫二人科爾沁三人郭
爾羅斯一人土默特六人烏珠穆沁六人浩齊
特一人阿巴噶一人阿巴哈納爾五人蘇尼特
二人四子部落一人烏喇特五人鄂爾多斯一
人喀爾喀十九人阿拉善二人○順治十年前
藏五世達賴喇嘛來朝

賜以金

冊金印授為西天大善自在佛領天下釋教普通瓦齊

呼達喇達賴喇嘛。○十八年。給喀爾丹津喇嘛
敕印。○康熙十八年題准。札薩克大喇嘛給予印信。其
餘格隆班第等給予禁條度牒。不給印信。○三
十二年。封哲布尊丹巴呼圖克圖為大喇嘛。於
喀爾喀地方立為庫倫廣演黃教。○三十七年。
封札薩克大喇嘛墨爾根綽爾濟為灌頂普惠
宏善大國師。給予

敕印。○四十四年。封章嘉呼圖克圖為灌頂普善廣慈
大國師。給予

敕印。○四十九年。封前藏伊西札穆蘇為六世達賴喇

嘛給予金

冊金印

後廢

五十二年議准班禪呼圖克圖勤修釋教

敬謹納貢照達賴喇嘛之例給予金

冊金印

敕書錫封班禪額爾德尼。五十八年議准乍雅察木

多兩處首領喇嘛羅卜藏納木札爾呼圖克圖

濟瓦帕克巴拉丹拜尼瑪呼圖克圖從前因有

遣往雪山之使豫備烏拉敬謹奉行今呈請封

號

賞乍雅呼圖克圖為闡揚黃教諾們汗察木多呼圖克

圖為大闡黃教額爾德尼諾們汗均給予

敕印。五十九年封前藏噶勒藏嘉木磋為興教度衆
六世達賴喇嘛給金

冊金印。又覆准青海羅卜藏丹津奏請垂卜藏呼圖
克圖封號授為資教額爾德尼諾們汗給予

敕印。雍正元年議准六世達賴喇嘛

冊印。照五世達賴喇嘛之銜換給並增蒙古字別給

敕書令其辦理噶布倫事務。又覆准哲布尊丹巴呼

圖克圖照班禪達賴喇嘛之例給予封號給予

金印

敕書授為啟法哲布尊丹巴喇嘛。○又議准多爾濟旺
楚克給以掌管哲布尊丹巴呼圖克圖徒衆辦
理庫倫事務額爾德尼商卓特巴之號。堪布諾
們汗給以掌管哲布尊丹巴呼圖克圖經壇總
理喇嘛事務堪布諾們汗之號。各給予

敕印。○又覆准甘珠爾巴噶卜楚額爾濟格特諾們汗
均係大喇嘛應封甘珠爾巴噶卜楚為述教甘
珠爾巴墨爾根諾們汗額爾濟格特諾們汗為
興教善知識諾們汗各給予

敕印。○又議准類烏齊廟喇嘛阿旺札布辰勒呼圖克

圖嘉喇嘛喇嘛阿旺呼圖克圖均給予呼圖克圖封號

敕印。五年奏達什吹木丕勒托音奉使西域齎回班禪達賴喇嘛之文。稱哲布尊丹巴呼圖克圖再生。衆喀爾喀遣使請封。應將額駙敦多布多爾濟之子。准為哲布尊丹巴呼圖克圖之呼畢勒罕。奉

旨。理藩院奏請敕封哲布尊丹巴呼圖克圖之後身。哲布尊丹巴呼圖克圖其鍾靈大有根源。乃與達賴喇嘛班禪額爾德尼相等之大喇嘛也。衆喀爾喀皆尊

敬供奉。且其所居庫倫。弟子甚衆。著動用帑銀十萬兩。修建大刹。封伊後身。○七年定。錫呼圖庫倫掌印札薩克達喇嘛缺出。應將墨爾根綽爾濟之孫補放。或於徒衆內擇其才堪勝任者。保送到院補放。○九年

諭。哲布尊丹巴呼圖克圖之呼畢勒罕年幼。達什吹木丕勒托音又甚年老。今當準噶爾賊人騷擾之際。令在庫倫居住。甚不妥協。庫倫地方廟宇尚未完工。多倫諾爾所修廟宇業已告竣。應俟明春草萌時。將呼畢勒罕同達什吹木丕勒托音等。移至多倫諾爾廟。

內居住。俟軍務平定。再回庫倫。○十二年復往封土
觀呼圖克圖為靜修禪師。給予

敕印。○又封西藏達賴喇嘛之師道都溫都遜堪布為
闡揚黃教阿齊圖諾們汗。給予

敕印。○又封噶勒丹錫呼圖為慧悟禪師。給予

敕印。○又封布魯克巴呼畢勒罕喇嘛札爾西里布魯
克顧濟為掌管布魯克巴黃教札爾西里呼畢
勒罕諾顏林沁齊雷喇卜濟為額爾德尼第巴
噶畢冬魯卜為掌管地方噶畢冬魯卜喇嘛各
給予

敕印。○又覆准章嘉呼圖克圖呼畢勒罕來歷甚明於經典性宗皆能通曉不昧前因實為喇嘛內特出之人應照前身錫封國師之號其原有灌頂普善廣慈大國師印現在其徒收儲毋庸頒給外應給予

詰命敕書。○乾隆二年議准喀爾喀額爾德尼班第達呼圖克圖乍雅班第達呼圖克圖各徒衆甚多凡官差出兵皆與札薩克佐領下人等一同行走應各給予管理徒衆印信。○三年

諭哲布尊丹巴呼圖克圖前身乃衆喀爾喀汗王等以

師禮供養有名之大喇嘛也。

皇祖

皇考皆特恩軫恤。

皇考命錫冊印。封為啟法哲布尊丹巴喇嘛。今有此呼畢勒罕。賦性聰明。舉止端重。儀表甚好。曾蒙

皇考睿鑒降旨云。此實係哲布尊丹巴喇嘛之後身。今呼圖克圖沅奏請來京。其頒給冊印敕封之處。著理藩院察例議奏。欽此。遵

旨議定。將哲布尊丹巴呼圖克圖之後身。仍照前身錫號給封。前

賜啟法哲布尊丹巴喇嘛之印照常存留外。別製新冊頒給。○四年議准。哲布尊丹巴呼圖克圖之師東果

爾曼珠什里呼圖克圖。給予封號印信。○五年議准。班禪額爾德尼之呼畢勒罕。經達賴喇嘛等驗明是實。即送往後藏坐牀。○六年議准。班禪額爾德尼之呼畢勒罕。坐牀未久。正在年幼。勤學經典。專心務業之時。不便遽議換給

冊書。俟過數年。通曉經典。再行換給。○十六年議准。喀爾喀額爾德尼諾顏綽爾濟羅卜藏諾爾布屬下徒眾甚多。照額爾德尼班第達呼圖克圖之

例給予印信。○十八年封濟隆呼圖克圖為慧通禪師給予

敕印。○二十年封喀爾喀額爾德尼諾顏綽爾濟羅卜藏諾爾布為青素珠克圖諾們汗。換給總管喀爾喀青素珠克圖額爾德尼諾顏綽爾濟徒眾之印。分錫滿洲蒙古唐古特三體字。○又奏准章嘉呼圖克圖屬下徒眾甚多。照喀爾喀多爾濟旺舒克托音給以總管哲布尊丹巴呼圖克圖屬下徒眾額爾德尼商卓特巴印信之例。給予羅卜藏吹木丕勒總管章嘉呼圖克圖屬下

徒衆札薩克喇嘛商卓特巴印信。二十一年。
加封喀爾喀哲布尊丹巴呼圖克圖為隆教安
生哲布尊丹巴呼圖克圖。給予

冊印。又議奏雍正元年。甘珠爾巴噶卜楚。封為述教
甘珠爾巴墨爾根諾們汗。給予

敕印。後經圖寂。交伊徒大喇嘛額爾克綽爾濟阿旺顏
品爾收存。至乾隆五年。呼畢勒罕出世。經院奏
明。令其師徒見面。今甘珠爾巴墨爾根諾們汗
之呼畢勒罕現年二十三歲。前給

敕印。應否仍行賞給。奉

旨准給。○二十二年奏准給青素珠克圖諾們汗
敕一道。○又奉

旨達賴喇嘛圖寂令第穆呼圖克圖管理達賴喇嘛商
上僧俗事務。○二十三年。

賞給第穆呼圖克圖管理黃教巴勒丹諾們汗名號。○

又

賞給濟隆呼圖克圖札薩克名號給予印信。○二十四
年奏達賴喇嘛圖寂之後西藏事務不可無總
辦之人奉

旨第穆呼圖克圖封為秉持黃教大德諾們汗管理西

藏事務。欽此。旋給

冊一道。銀印一顆。○又議奏。慧通禪師濟隆呼圖克圖
圓寂。所有

敕印。交伊徒收存。其所屬噶木巴廟宇徒衆甚多。且唐
古特人等亦其所轄。現今雖係濟隆呼圖克圖
之弟阿旺諾爾布暫行管理。未經奏明。不足以
資彈壓。奉

旨。濟隆呼圖克圖之弟阿旺諾爾布著賞給關防。欽此。
遵

旨。議給統轄濟隆呼圖克圖屬下巴克碩特等十八廟

宇生徒唐古特等札薩克喇嘛之關防。○又奏
准喀爾喀諾彥呼圖克圖羅卜藏札木揚丹津
屬下徒衆別編一佐領令其管轄仍附入本部
落當差並給予總管喀爾喀諾彥呼圖克圖之
印分錫滿洲蒙古西番三體字。○二十六年覆
准噶爾丹錫呼圖呼圖克圖之徒弟昆楚克敦
珠布。

賜總管噶爾丹錫呼圖呼圖克圖屬下徒衆札薩克喇
嘛商卓特巴印信。○二十七年奏達賴喇嘛之
呼畢勒罕轉世所有達賴喇嘛

冊印。或即行換給。或俟數年後再行換給。奉旨。再待數年。三十年。阿旺楚勒提木來朝。

賞額爾德尼諾們汗名號。給予

敕印。三十五年奏准。勒正呼圖克圖。照前輩呼圖克

圖之例

賞阿齊圖諾們汗名號。三十七年議准。那嚕班禪呼圖克圖。徒衆一百餘名。沙畢納爾一百餘戶。給予印信。以資彈壓。四十二年奏准。第穆呼圖克圖。徒衆中揀選一人。

賞額札薩克職銜。給予管理第穆呼圖克圖屬下徒衆

札薩克喇嘛商卓特巴印信。分錫滿洲蒙古唐
古特三體字。○四十三年。

賞噶勒丹錫呼圖名號。補授巴克什缺。○四十五年。

賞班禪額爾德尼玉

冊玉印。○四十九年。

賞達賴喇嘛玉

冊玉印。○五十一年。

諭諾們汗阿旺楚勒提木人謹慎勤於經卷。於藏內噶
勒丹錫呼圖坐牀時。幫助達賴喇嘛辦事。廣敷黃教。
多歷年所。著管理札薩克達賴喇嘛印務。封為敷教

薩瑪第巴克什。所有應給敕印。交理藩院照例給予。

欽此。旋

賞給衍宗禪師名號。給予

敕書銀印。○五十四年

諭。自藏內有巴爾布之事。諸務紛繁。此後務得脫事之
達喇嘛。幫助達賴喇嘛辦事。始有裨益。濟隆呼圖克
圖人明白。經卷亦好。伊之根器本大。著賞給舉理克
圖諾們汗名號。作為札薩克達喇嘛。遣往藏內。率領
各噶布倫等。幫助達賴喇嘛辦事。○又

諭。班禪額爾德尼之師喇嘛。運丹嘉木爍。於班禪額爾

德尼前承教經藝盡力勤勉喇嘛噶布倫噶勒藏納
木占平素管理札薩克事務甚好此次軍需亦甚效
力著加恩賞給運丹嘉木燦班第達諾們汗號賞給
噶勒藏納木占墨爾根額爾德木圖堪布號以示鼓
勵○五十六年

諭。帕克巴拉呼圖克圖經卷既好因朕八旬萬壽賀建
一寺請賞給寺名。帕克巴拉呼圖克圖近年以來備
辦一切往還烏拉均屬妥善毫無貽誤著加恩將從
前所給銅印換給銀印。所建新廟著賜名祝釐寺。○

嘉慶二年

賞班禪額爾德尼巴克什喇嘛羅布藏敦珠卜諾們汗

名號。○八年。

賞札什倫布商卓特巴羅布藏達爾結達爾汗名號。○

十一年

諭。現在章嘉呼圖克圖之呼畢勒罕轉世。著仍賞給香山法海寺五臺山普樂院等寺居住。所有國師印信及金頂黃轎九龍黃坐褥黃纓等項。著在松竹寺妥為供貯。俟轉世之呼畢勒罕勤習經卷後。能維持黃教時。再加恩賜。○道光元年。給予講巴伊什札薩克喇嘛職銜印信。幫辦事務。○又給予札薩克喇

嘛羅卜桑噶勒藏印信。辦理事務。○二年奏准。將噶勒丹錫呼圖薩瑪第巴克什。作為阿旺札木巴勒粗勒齊木本身之號。其從前所繳薩瑪第巴克什名號舊印。仍行賞給。並頒發。

敕書。○又議定。給予諾們汗職銜之達爾汗喇嘛等。曾經轉世者。准其奏請。給予名號印。

敕。未轉世者。一概不准。○又議准。蒙古各廟呼圖克圖涅槃後。如徒衆過五百名。而廟宇距該旗在五百里以內者。該盟長於徒衆內擇一人。賞給札薩克喇嘛職銜。廟宇距該旗在五百里以外。

者。並給予印信。其諾們汗涅槃後。徒衆過五百名者。該札薩克於徒衆內擇一人。給予達喇嘛職銜。俾得督率。俟該呼圖克圖諾們汗轉世成立後。督率有人。仍將各職銜撤銷。○又議准。呼圖克圖諾們汗未經入檔。如係

賞過名號印

敕及徒衆過五百名者。仍准其補行入檔。○三年。以班第莊頭人衆。盟長地面寫遠。添給札薩克達喇嘛印信。○四年

諭達賴喇嘛嘉木巴勒依喜丹貝嘉木磋。傳授達賴喇

嘛經典。著有成效。著加恩賞給諾們汗名號。○五年。
賞土觀呼圖克圖之呼畢勒罕班第靜修禪師名號。及
副札薩克達喇嘛職銜。○八年。

諭章嘉呼圖克圖經藝純熟。且所辦捐輸事件。均屬妥
協。著將伊所得印信敕書。仍舊賞用。○十三年。

賞哲布尊丹巴呼圖克圖之教經師傅喇嘛羅布桑札
木延諾們汗名號。伊什格勒克綽爾濟名號。○

十四年

諭達賴喇嘛正師傅薩瑪第巴克什。前已得衍宗禪師
名號。著再加翊教二字。副師傅嘉木巴勒伊什丹貝

嘉木磋著賞給諾們汗敕印。副師傅噶勒丹舊池巴
阿旺念札著賞給班第達以示鼓勵。○又

諭察罕喇嘛綽爾濟係由國初投效來京。且在西藏軍
前效力。現在之察罕喇嘛著撤銷綽爾濟。賞給呼圖
克圖職銜。至該察罕喇嘛轉世之後。並准其作為呼
圖克圖。○又定察罕喇嘛達爾汗綽爾濟撤銷綽爾
濟。

賞給呼圖克圖職銜。換給黃

敕。圓寂後並准作為呼圖克圖轉世。○十五年

諭達賴喇嘛現已及歲。受戒坐牀。與早經受戒坐牀之

班禪額爾德尼均止有金印。未給金冊。著賞給金冊。該衙門照例頒給。○十七年

諭。嗣後頒賞達賴喇嘛班禪額爾德尼金冊。著仍照舊制辦理。其新纂則例內定於舊冊後添鑒第幾輩字樣。著即銷除。○十八年

諭。達賴喇嘛薩瑪第巴克什著加恩於原得衍宗翊教禪師名號內賞加靖遠二字。乍雅大呼圖克圖圖布丹濟墨吹濟加木參。加恩賞給敕書。○十九年定。口外各呼圖克圖徒衆過八百名。距該旗五百里以外。應領印信者。由該盟長確查報院。由院咨

行附近之將軍大臣等查覆相符。奏明。

頒賞印信。○又定達賴喇嘛班禪額爾德尼哲布尊
丹巴呼圖克圖轉世後。即於坐牀之日。裁撤呼
畢勒罕字樣。章嘉呼圖克圖。噶勒丹錫呼圖呼
圖克圖。敏珠爾呼圖克圖。濟龍呼圖克圖。那木
喀呼圖克圖。阿嘉呼圖克圖。喇果呼圖克圖。察
罕達爾汗呼圖克圖。並呈請駐京之呼圖克圖
等。均於轉世後來京瞻仰。

天顏之日。裁撤呼畢勒罕字樣。其各游牧之呼圖克
圖。諾們汗班第達堪布綽爾濟等轉世後。均俟

年至十八歲。裁撤呼畢勒罕字樣。○又定達賴喇嘛班禪額爾德尼圓寂。其印信派人護理。俟轉世坐牀之日。奏聞移授換。

賞金冊。哲布尊丹巴呼圖克圖圓寂。並轉世後印冊。照達賴喇嘛班禪額爾德尼例辦理。其餘各呼圖克圖等封國師者。圓寂時。其印

冊於本廟尊藏。俟轉世後。裁撤呼畢勒罕之日。奏聞移授。並將

冊命送院。奏交各衙門填寫。封禪師者。圓寂時。其印信照國師辦理。○咸豐三年

諭。此次查辦番務出力之阿齊圖諾們汗。著加恩作為
呼徵阿齊圖呼圖克圖。並准其轉世。帕克巴拉呼圖
克圖額爾德尼諾們汗之呼畢勒罕。雖在幼齡。即能
督飭屬下。拏獲兇犯多名。著賞加敕達禪師名號。以
示優異。○又

賞朗結曲丕色勒本諾們汗名號。給予
敕印。○又

諭。呼徵阿齊圖呼圖克圖。應得廣衍黃法阿齊圖呼圖
克圖敕書印信。著照案頒給。該呼圖克圖屬下管事
達喇嘛噶勒藏熱布覺爾。並賞給札薩克喇嘛名號。

○八年

諭札什倫布之札薩克喇嘛朗結曲丕因病請休著仍留色勒本諾們汗名號以終其身所遺札什倫布之札薩克喇嘛缺著四品曲琿堪布羅布藏郎結補授所放札薩克喇嘛亦著加恩賞給印敕○十一年

賞哲布尊丹巴呼圖克圖教經師傅那旺鄂特色爾諾們汗名號○又奏准噶青羅布藏丹巴堅參作為班禪額爾德尼之巴喀什喇嘛並

賞諾們汗名號○同治元年

賞汪結曲布諾們汗名號○二年

賞土觀呼圖克圖靜修禪師名號副札薩克達喇嘛職

銜印

敕○三年

諭羅布藏青饒汪曲辦事謹慎為合藏僧眾所推服著
辦理商上事務並賞給諾們汗名號○四年

諭羅布藏青饒汪曲協理商上事務為僧俗等所深服
所有商上承辦藏務掌管黃教額爾蒙額諾們汗
印信即著賞給祇領掌管以符舊制○六年給予伊
犁喇嘛棍噶札勒參呼圖克圖印信○七年

賞伊勒固克森呼圖克圖羅布桑三都普通善禪師名

號○八年。給予羅布藏青饒汪曲呼圖克圖札
薩克喇嘛印信○光緒九年

賞給羅布藏頓柱蘇呼諾們汗名號。給予印
敕。

[illegible]

欽定大清會典事例卷九百七十五

理藩院

喇嘛封號

甘肅莊浪等處番寺喇嘛呼畢勒罕定制

指認

甘肅莊浪等處番寺喇嘛。○甘肅省莊浪河州循化西甯岷州洮州各番寺喇嘛設僧綱十九人僧正三人其出呼畢勒罕入院冊者莊浪二人西甯三十三人。○順治七年題准河州宏化等寺總理國師韓禪巴遣徒繳明時所給敕書一道銅印一顆均行換給。○八年題准顯慶寺灌頂大國師丹巴堅錯繳明時所給鍍金銀印

一顆誥命敕諭各一道。又宏化寺普應禪師諾爾布堅錯。繳明時所給銀印一顆。都綱司銅印一顆。又紅山堡報恩寺喇嘛盧老藏靈珍。繳明時所給劄付一紙。一併換給。○十年喇嘛閭老藏靈珍。繳明時所給都綱敕印。照舊換給。○又西甯瞿曇等寺國師禪師都綱等。各將明時所給誥敕印劄。繳還。一併換給。瞿曇寺國師公萬丹淨。封為灌頂淨覺宏濟大國師。給鍍金銀印。渣思歡卓爾。封為灌頂廣濟宏禪國師。給慈光普照象牙圖書。各給。

誥敕一道其都綱拉思俄卓爾給銅印

敕諭一道又淨甯菩提寺國師沙拉索南封為妙勝惠濟灌頂大國師給鍍金銀印

誥敕各一道剏付一紙淨覺寺國師班珠兒堅錯封為淨慈優善國師給銀印

誥敕各一道國師所屬喇嘛查西堅錯給宏修善道象牙圖書靈珍堅錯給心性了無象牙圖書丹巴舍拉給堅修梵性象牙圖書各給

敕諭一道慈利寺國師札思巴統諸封為宏善演教國師給銀印

敕諭一道。劄付一紙。禪師毛錯。南宮哈封。為妙勝禪師。
給銀印。

敕諭一道。劄付一紙。延壽寺張舍拉朋錯。封為廣濟宏。
修國師。給銀印。

誥敕一道。普法寺國師丹進堅錯。封為妙善通惠國師。
給銀印。

誥敕一道。國師所屬喇嘛索南巴爾丹。給妙靜宏修象。
牙圖書。

敕諭一道。吉祥寺禪師洛藏拉旦。封為福教禪師。給銀
印。

誥敕一道。伊兒結寺喇嘛格拉堅錯。給宏演宗尚象牙
圖書。又西納演教寺喇嘛班珠兒盆錯。繳明時
所給敕印執照。封班珠兒盆錯為國師。換給
誥敕各一道。又賜給通慧淨覺銀印。又瑞嚴寺喇嘛山
丹屯柱。繳明時所給敕書。劄付圖書。換給

敕書一道。劄付一紙。靖敕法界象牙圖書一方。十七
年題准。岷州衛二十六寺內圓覺寺大崇教寺
喇嘛后只即丹子。繳明時所給誥命一道。敕書
二十一道。肅謹戒行圖書一方。換給

敕書一道。銅印一顆。授為護印僧綱司。命鈴東岷州各

寺喇嘛其繳送敕書二十一道均行換給惟成
化年間所封宏濟光教大國師一敕不准換給
○康熙二年題准岷州圓覺寺大崇教寺講堂
寺剎藏寺宏教寺洪福寺法藏寺朝定寺石崖
寺魯班寺永安寺廣善寺照慈寺洪濟寺廣德
寺羊圈寺崇隆寺照慈寺寫兒朵寺讚林寺永
甯寺諸喇嘛繳送舊敕一例換給○五年題准
修葺三竹裕章藏經三寺給發

敕書其嘉川工布二寺俟修理告竣再行請給○十一
年延壽寺廣濟宏修國師張哈完卜承襲換給

誥敕。十四年題准甘肅省圓覺寺喇嘛后只即丹子

恪守

敕印。糾兵攻賊。其宏濟光教大國師之職。仍准承襲。並給予

誥命。暨鍍金銀印。其僧綱司

敕印。仍令掣繳送部。十五年題准法藏寺僧丁桑節落旦。授為法藏寺僧綱司。洮州著落寺喇嘛楊多剛。授為僧正。均給予

敕書。二十一年題准圓覺寺喇嘛后只即丹子等謝恩進貢。並請給國師頂帽及喇嘛俸祿。給高頂僧帽一

具撥給岷州衛屬官地五頃免其納糧。○三十年覆准圓覺寺國師后只即丹子親姓首徒后丹子達節襲封岷州衛宏濟光教大國師。○三十六年覆准瞿曇寺灌頂淨覺宏濟大國師以公葛丹淨之孫觀著圓思多榮進承襲。又西納演教寺通慧淨覺國師以班珠兒盆錯之孫達尕吉承襲。○三十七年覆准松山報恩寺達克隆呼圖克圖奏請封典給予

敕印。○三十八年覆准法藏寺僧丁桑節落旦前以軍功議敘給予僧綱司

敕書原無世襲字樣。今據報病故。即繳送內閣換給護
敕。○四十三年題准。西甯教化寺僧羅卜藏欽臻寶貝
寺僧羅卜藏納木查。繳明時所給誥命敕書。並
繳舊印。又肅州歸化寺僧恭阿札木蘇奏請承
襲。均換給。

誥命敕印。○四十六年奏准。達克隆呼圖克圖病故。換
給伊姪藍占巴羅雷丹達爾。

敕書令約束僧衆。○四十九年覆准。國師名爵甚大。非
有功績。不得濫授。岷州國師后丹子達節其師
后只即丹子。初授為護印僧綱司。後因攻賊有

功升授國師。給予鍍金銀印。業已承襲一次。今
后丹子達節以年老辭職。其徒后尖米甯布並
無功績。不得仍襲國師。令照初封之職。授為護
印僧綱司。給予銅印。

敕書。舊給國師印信。

誥命。即繳送內閣。五十二年題准。洮州闡定寺喇嘛
楊昂望。繳明時所給崇梵淨覺國師敕印。准其
換給。五十七年覆准。西甯衮布廟喇嘛達賴
諾們汗奏請封號。授為錫勒圖達賴諾們汗。給
予。

敕印。五十九年覆准。西甯哀布廟。阿旺喇嘛奏請封號。授為扶佑黃教額爾德尼諾們汗。給予

敕印。雍正四年議准。西甯所屬百里外。僧寺九十四處。河州所屬僅止三處。此內有名國師禪師而曾頒有

敕印者。有國師而並未頒給者。有名為寺廟實無寺廟者。有不名為寺廟而名為部落者。其各處喇嘛。或自二三名以至百六七十名不等。此等處所。原係土番雜處。明初頒給敕印之後。我朝亦曾頒有

敕印緣邊居之人野性難化故令其信任有名之喇嘛承襲管轄若因循舊制不酌量更定恐相沿日久竟恃為世守所關匪細嗣後令各寺族佃歸併內地為民所給

敕印盡行收取不令管轄番眾其如何給予喇嘛空銜俸祿之處俟該督詳議具奏到日再議○乾隆八年題准洮州闡定寺崇梵靜覺國師以楊昂望之姪楊琢璫瑤承襲○又奏准朝鮮琉球南掌安南暹羅蘇祿等國封卹事宜均由禮部辦理其蒙古王公台吉喇嘛等封卹事宜均由

理藩院承辦。惟會典內載有陝西甘肅二省洮州喇嘛承襲國師禪師都綱並給予

敕印等事。由禮部具題。累年有禮部專辦者。有理藩院會同辦理者。蒙古內外喇嘛既屬理藩院所轄。則陝西省洮岷等處喇嘛嗣後承襲國師禪師都綱等事均應歸併理藩院承辦。至請給

敕印之事。仍令理藩院會同禮部辦理。○九年奏准河州宏化顯慶兩寺國師兼都綱章塔柱堅錯之姪章敦柱堅錯請襲。從前議收國師禪師一應敕書其作何酌給空銜俸祿尚未議定。今章敦柱堅錯

請襲國師。俟該督議覆到日再辦。其都綱印信。原為辦理事務管束屬人而設。應令國師章珞。柱堅錯之姪章敦柱堅錯。暫行管理都綱印務。○又奏准。換給松山報恩寺達克隆呼圖克圖。呼畢勒罕。

敕書。○十二年議准。甘肅省所屬各寺廟喇嘛。自收國師禪師印信以來。各自梵守靜修。其屬下衆僧。雖各設有法臺。但約束不無渙散。自應照依地方之大小。喇嘛之多寡。定為職銜。以備稽察。河州普網寺。靈慶寺。宏化寺。各設都綱一人。西甯。

縣之西那寺。塔爾寺。札藏寺。元覺寺。沙衝寺。仙
密寺。估甯寺。碾伯縣之瞿曇寺。宏通寺。羊爾貫
寺。普化寺。大同衛之廣化寺。歸德所之二疊閣
寺。垂巴寺。馬尼寺。各設僧綱一人。洮州衛之閭
家寺。龍元寺。圓成寺。各設僧正一人。均由院給
予劄付。其松山報恩寺。喇嘛達克隆。呼圖克圖。
呼畢勒罕。紅山堡報恩寺。都綱閻南木加。岷州
圓覺寺。僧綱候章。楊恩柱。河州宏化寺。都綱章
敦柱。堅錯。皆有都綱僧綱印信。毋庸再給。此次
所授僧綱僧正。既皆議給劄付。其從前所給岷

州圓覺寺僧綱候章楊恩柱之

敕書。即撤回換給劄付。嗣後國師之號。均不准承襲。所有洮州闡定寺國師楊琢璫珞瓚之印。

敕暫行存留。俟缺出停止承襲。將原領印。

敕。交禮部察銷。又楊松羅布迦木燦年力富强。才具明

晰。今授為僧綱。令該督將楊松羅布迦木燦年貌。並住持何廟。詢明送院填給劄付。○十三年。覆准。楊松羅布迦木燦並無居住寺廟。仍照原議。將楊松羅布迦木燦授為僧綱。給予劄付。○

二十七年奏。按康熙五十九年。西甯衮布廟阿

旺喇嘛奏請封號授為扶佑黃教額爾德尼諾們汗給予

敕印今章嘉呼圖克圖呈報阿旺喇嘛之呼畢勒罕來歷甚明在藏學習經典甚好各蒙古額請將前給扶佑黃教額爾德尼諾們汗

敕印仍行換給奉

旨仍賞給

指認呼畢勒罕定制○乾隆五十七年

諭西藏為達賴喇嘛班禪額爾德尼駐錫之地各蒙古及番衆人等前往煎茶瞻拜皈依佛法必其化身的

確方足以衍禪教而愜衆心。今藏內達賴喇嘛班禪額爾德尼等呼畢勒罕圓寂後。俱令拉穆吹忠作法降神。俟神附伊體。指明呼畢勒罕所在。拉穆吹忠既不能認真降神。往往受人屬求。任意妄指。是以達賴喇嘛班禪額爾德尼哲布尊丹巴呼圖克圖等。以親族姻婭遞相傳襲。近數十年來。總出一家。竟與蒙古之世職無異。以致蒙古番衆物議沸騰。嗣後應令拉穆吹忠認真作法降神。指出務尋實在根基。呼畢勒罕名姓若干。將其生年月日各寫一籤。貯於由京發去奔巴金瓶內。令達賴喇嘛等會同駐藏大臣公同

念經對衆拈定具奏。作為呼畢勒罕。不得聽其仍前任意妄指。私相傳襲。以除積弊。而服人心。○又

諭。嗣後出有呼畢勒罕。禁止吹忠降神。將所生年月相仿數人之名。傳用奔巴金瓶。令達賴喇嘛掣籤指定。以昭公允。○又

諭。達賴喇嘛班禪額爾德尼。係宗喀巴之大徒弟。職掌佛教。乃西藏之要人。衆蒙古番子等。尊崇佛教。是以達賴喇嘛班禪額爾德尼之呼畢勒罕。必須真實。方能傾服衆心。興隆黃教。向來識認呼畢勒罕。惟在拉穆吹忠之隆丹。憑其所指。即為呼畢勒罕。因近年來

古爾德木巴等本領平常。不能降神。或且受人屬託。妄行指示。至達賴喇嘛班禪額爾德尼哲布尊丹巴呼圖克圖等之呼畢勒罕。皆出於一族。及其近親中。竟與各蒙古王公八旗官員世襲無異。朕心實所不許。乃果因丹津班珠爾之子中亦出呼畢勒罕。衆心不服。致有沙瑪爾巴圖謀班禪額爾德尼遺產。遂往廓爾喀。勾引賊匪搶擄札什倫布之事。朕前於識認達賴喇嘛班禪額爾德尼哲布尊丹巴呼圖克圖之呼畢勒罕時。曾降旨令四吹忠誠心祈禱。俾真神降臨。指出呼畢勒罕幾人。將伊等名字生辰繕籤入於

自京賞發之奔巴金瓶內。達賴喇嘛與駐藏大臣等
公同看視。奉經於大衆前掣出一人。以為呼畢勒罕。
如此辦理。特為保衛黃教之意。藏內既已如此。內外
扎薩克地方。亦各原有素所敬信之呼圖克圖。如圖
寂後。其呼畢勒罕亦應照此例辦理。不可仍前以致
某部落所奉之呼圖克圖。其呼畢勒罕必出於本部
落。扎薩克王公之子弟中。此朕保障黃教之意。將此
通諭內外扎薩克等知之。欽此。遵

旨議定。凡蒙古番子部落呈報呼圖克圖大喇嘛之呼
畢勒罕出世。准於閒散台吉或屬下人等及唐

古特平人之子嗣內指認。其達賴喇嘛班禪額爾德尼之親族及各蒙古汗王貝勒貝子公札薩克台吉之子孫均禁止指認呼畢勒罕。凡各處之呼圖克圖及舊有之大喇嘛等圓寂後均准尋認呼畢勒罕。其無名小廟坐牀從前並未出有呼畢勒罕之尋常喇嘛已故後均不准尋認呼畢勒罕。○五十八年

諭。各蒙古等所奉之呼圖克圖甚多。若悉令赴藏識認呼畢勒罕未免過繁。且道途亦遠。蒙古等力所不能。嗣後識認各札薩克等所奉呼圖克圖之呼畢勒罕。

著各盟長擬定。其情願赴藏識認者。仍照例前往外。
其餘徑報理藩院。繕籤入於。

雍和宮所供金瓶內。令掌印札薩克達喇嘛呼圖克圖。
等奉經。與理藩院大臣。公同監製。可省遠路浮費。將
此通諭內外札薩克。永遠遵行。將伊等私指王公子
弟。為呼畢勒罕之事。嚴行禁止。○又議准。嗣後各大
寺坐牀堪布喇嘛缺出。達賴喇嘛知會駐藏大
臣濟隆呼圖克圖。公同揀放。給予合印執照。派
往住持。以昭慎重。其小寺堪布喇嘛缺出。令達
賴喇嘛自行補放。○五十九年

諭青海之察漢諾們汗係一札薩克有管理游牧之責。伊之呼畢勒罕必須伊屬下心服方於事有益。嗣後察漢諾們汗圓寂後擬呼畢勒罕時無論伊族人親戚按伊屬下人等衆情帖服者入於奔巴金瓶掣定毋庸固執新例。○嘉慶十三年奏准達賴喇嘛呼畢勒罕尋得時靈徵衆著不復入奔巴金瓶掣定。○二十四年

諭玉麟等奏藏中僧俗人等求定達賴喇嘛呼畢勒罕一摺甚屬非是從前各處呈報呼畢勒罕出世每多附會爭端漸起弊竇叢生。

皇考高宗純皇帝洞燭其情。設金奔巴瓶。緘名掣定之制。

審謨深遠。自當萬世遵行。今裏塘所報幼孩。其所述靈異。何足徵信。若遽聽其言。與從前指定一人者何異。玉麟等不嚴行駁飭。實為錯誤。著傳旨申飭。此次裏塘幼孩。即作為入瓶籤掣之一。俟續有報者。再得其二。方可將三人名。一同緘封入瓶。照定制對眾誦經掣籤。著將此旨明白傳諭。第穆呼圖克圖。毋許再瀆。若來京求請。即查拏治罪。○道光二年議准。認獲呼畢勒罕時。該旗加具印結報院。方准入瓶掣。

籤○三年

諭○嗣後呼畢勒罕不准在民人幼孩內尋訪